

ამ სამი შედარებიდან პირველი არის მზის შედარება, მზის სურათ-ხატი.

პლატონი ამბობს, რომ ხილულ სამყაროში, გრძნობად სამყაროში, მზე ასრულებს ძალიან მნიშვნელოვან როლს იმიტომ, რომ მზის გარეშე ჩვენ, პირველ რიგში, ვერც ვერაფერს დავინახავდით, იმიტომ რომ სინათლე არ იქნებოდა, მაგრამ, გარდა ამისა, არც არაფერი იქნებოდა დასანახი, იმიტომ, რომ ცოცხალი არსებები მზის სინათლისა და სითბოს გარეშე არ იარსებებდნენ. ახლა პლატონი ცდილობს, წარმოიდგინოს, რა უნდა იყოს მზის შესატყვისი საგანი იმ სამყაროში, რომელიც ჩვენს გრძნობად და ხილულ სამყაროს სცილდება. რატომ სცილდება? იმიტომ, რომ (ჩვენ ხომ ვთქვით) შეუძლებელია, ზუსტად იცოდეს რაღაც, რაც მუდმივ ცვალებადობაშია, ამიტომაც, საჭიროა, არსებობდეს რაღაც რეალობა, რომელიც უცვლელია და რომელსაც მუდმივად შეესატყვისება ჩვენი ცოდნა. შესაბამისად, პლატონი უშვებს არსებობას საგნებისა, რომელსაც ის ეძახის იდეებს. იდეა - ეს არის პასუხი კითხვაზე „რა“. როდესაც სოკრატე ეკითხებოდა თავის თანამოქალაქეს, თუ რა არის სამართლიანობა, რა არის სიკეთე, რა არის პოეზია, პრობლემა, რომელიც ამ მოპასუხეებს უჩნდებოდათ, იყო ის, რომ მათ არ შეეძლოთ გადმოეცათ პოეზიის, სამართლიანობის თუ სიკეთის იდეა. არადა, ზუსტად ეს იდეაა, რომელიც კონკრეტულ ფენომენს ამ სამყაროში, პირველი - შემეცნებად ხდის და მეორე - საერთოდ იძლევა მისი არსებობის შესაძლებლობას.

მოდით, შევხედოთ, როგორ შეიძლება შევადაროთ ხილული მზე, რომელსაც ჩვენ ყველანი ვხედავთ, იდეების სამყაროში რაიმე იდეას.

პლატონის მიხედვით, იერარქიის ყველაზე მაღალ საფეხურზე მდგომი იდეა იქნება სიკეთის იდეა. ეს არის უცნაური დამოკიდებულება, უცნაური პოზიცია, იმიტომ, რომ სინამდვილეში ჩვენ ძალიან გაგვიჭირდება ვთქვათ, თუ რატომ უნდა იყოს, მაგალითად, სიკეთის იდეა უფრო მაღალი იდეაა, ვიდრე, მაგალითად, პოეზიის, ან ვიდრე მაგალითად სამართლიანობის ან თუნდაც ვიდრე მაგალითად ხის. საქმე ის არის, რომ როდესაც პლატონი ცდილობს, გაიგოს სამყარო, რასაც ის აკეთებს, არის შემდეგი რაღაც: ის იღებს ადამიანის საყოფაცხოვრებო ყოველდღიურ პრაქტიკებს, ანალიზებს მათ და შემდეგ ეს ცოდნა გადააქვს მთელს სამყაროზე.

მოდით, უფრო კონკრეტულად განვიხილოთ. როგორ ხდება, მაგალითად, ადამიანის მიერ სკამის დამზადება. მარტივად. ადამიანს აქვს სკამის იდეა და შემდეგ ამ იდეის მიხედვით ამზადებს კონკრეტულ სკამს. ახლა წარმოვიდგინოთ, რომ ეს ეხება არა მხოლოდ იმ საგნებს, რომლებიც ადამიანმა დაამზადა, არამედ ნებისმიერ საგანს, მაგალითად, ხესაც. ჯერ არსებობს იდეა და შემდეგ არსებობს კონკრეტული ხე; ჯერ არსებობს იდეა და შემდეგ არსებობს, მაგალითად, კონკრეტული მშენიერება, თუ ჩვენ ნავალთ ამ მიმართულებით, მაშის სიკეთის იდეა იქნება ყველაზე მნიშვნელოვანი იდეა იდეებს შორის. რატომ? იმიტომ, რომ ყველაფერი, რაც არსებობს, არსებობს რაღაცა მიზნით, რაღაცა ფუნქციით.

მაგალითად, სკამი, რომელსაც ადამიანი აკეთებს, არსებობს იმ ფუნქციით, რომ ის გამოყენებულ უნდა იქნეს დასაჯდომად, მაგიდა - სანერად ან საჭმელად, სანოლი - დასაძინებლად, სახლი - საცხოვრებლად. ეს არის სიკეთე, რომელიც ჩანერილია თითოეულ ამ საგანში; ეს არის იდეა, რომლის გამოც თითოეული ეს საგანი სასარგებლოა. როდესაც

სიკეთეზე ლაპარაკობს, პლატონი, ცხადია, არ გულისხმობს სიკეთეს მხოლოდ მორალური აზრით, რომლითაც ჩვენ ვგულისხმობთ, მაგალითად, როცა ვამბობთ - „კეთილი ადამიანია“. არა, პლატონი გულისხმობს სიკეთეს სიკარგის აზრით; იმ აზრით, რომლითაც რაღაცა რაღაცისათვის სასარგებლოა, გამოყენებადია, კარგია. აი, ეს არის სიკეთის იდეა პლატონისათვის და თუ ეს ასეა, მაშინ სიკეთის იდეა თამაშობს იმავე როლს იდეების სამყაროში, რომელსაც ხილული მზე თამაშობს ჩვენს სამყაროში. როგორც ჩვენი მზე შესაძლებლობაა ნებისმიერი რამის შემეცნებისა და ნებისმიერი რამის არსებობისა, ისეა სიკეთის იდეა შესაძლებლობა ნებისმიერი რაღაცის შემეცნების და არსებობის იმ სამყაროში, სწორედ იმიტომ, რომ ყველაფერი ექვემდებარება ამ სიკეთის თუ სიკარგის, კარგიანობის იდეას. ეს არის პირველი შედარება, რომელსაც გვანვდის პლატონი, რათა უკეთესად დავინახოთ სამყაროს მოწყობა.

მეორე შედარება, რომელსაც წრფის შედარება შეიძლება დავარქვათ, წარმოგვიდგენს სამყაროს ყველა სფეროს. წარმოვიდგინოთ, ამბობს პლატონი, წრფე, რომელიც არის დაყოფილი ოთხ არათანაბარ მონაკვეთად.

პირველი მონაკვეთია ანარეკლების მონაკვეთი, ანუ არსებობს ჩვენს სამყაროში ფენომენები, რომლებსაც მხოლოდ ანარეკლის სტატუსი აქვს; მაგალითად, ჩრდილი, მაგალითად ანარეკლი სარკეში, ან წყალში, მაგ. ხელოვნების ნიმუში (დახატული სკამი არის ასახვა რეალური სკამისა ანუ ანარეკლია). პლატონმა, რასაკვირველია, არ იცოდა, მაგრამ მედიაპროდუქცია (მაგალითად სატელევიზიო, „იმიჯები“ და ა.შ.) ანარეკლების სამყაროს მიეკუთვნება.

მეორე მონაკვეთი არის რეალური საგნების სფერო, ისეთი საგნებისა, როგორიც არის სკამი, მაგიდა, ხე, სახლი, საწოლი და ა.შ. ჩვენ ვიცნობთ ამ საგნებს, შევიგრძნობთ მათ, ვხედავთ, ვეხებით და ა.შ.

მესამე მონაკვეთი ეს არის მათემატიკური ობიექტების სამყარო, ანუ სამყარო იმ ობიექტებისა, რომლებიც რეალური არ არის, ანუ იდეალურია, მაგრამ წარმოადგენს ასევე იმ ფორმებს, რომელთა მიხედვითად რეალური საგნებია აგებული: სამკუთხედი, კვადრეტი და ა.შ. რატომ არის იდეალური? იმიტომ, რომ არც ერთი სამკუთხედი არ არის ნამდვილად ზუსტი სამკუთხედი. ყოველთვის არის მიახლოება და ყოველთვის შეიძლება უფრო სრულყოფილად გამოსახოთ სამკუთხედის არსი, იმიტომ, რომ თვითონ სამკუთხედი იდეალურია.

და ბოლო, მეოთხე მონაკვეთი ეს არის იდეების სფერო, რომლებიც არის რეალური საგნების არსი. იმისათვის, რომ აჩვენოს პრიორიტეტი ამ სფეროებს შორის, პლატონი ამბობს, რომ იდეებისა და მათემატიკური ობიექტების მონაკვეთი არის ორჯერ უფრო დიდი, ვიდრე გრძნობადი საგნების და მათი ანარეკლების მონაკვეთი და იდეების მონაკვეთი არის ორჯერ უფრო დიდი, ვიდრე მათემატიკური საგნების მონაკვეთი, ხოლო გრძნობადი საგნების მონაკვეთი ორჯერ უფრო დიდია, ვიდრე ანარეკლების მონაკვეთი. ეს რას ნიშნავს? ეს იმას კი არ ნიშნავს, რომ იდეები უფრო მეტია, ვიდრე გრძნობადი საგნები, არამედ ნიშნავს იმას, რომ იდეები უფრო მნიშვნელოვანია, ვიდრე გრძნობადი საგნები; მათემატიკური ობიექტები უფრო მნიშვნელოვანია, ვიდრე ანარეკლები. ამიტომაც, მათ ამ წრფეზე უფრო დიდი

მონაკვეთი ერგებათ, რათა ჩვენ ნათლად დავინახოთ პრიორიტეტი როგორც არსობრივი, ისე შემეცნებისეული - ნამდვილსა და მის ანარეკლს შორის. ნამდვილი არის იდეა, ანარეკლი არის, მაგალითად, გრძნობადი საგანი.